

書名 廣文選八十二卷 嘉靖
十二年序刊本
撰者 明 劉節 輯
卷 卷七十一
內容分類 集-總集-詩文
索書號 大木-集部-總集類-3
編號 D7920300

卷七十一



廣文選卷第一

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

惟自然之初載兮道虛無而玄清太素紛以溷淆兮始
有物下而混成何元一之芒昧兮廓開闢而著形爾乃清
濁剖玄黃判離太極既殊是生兩儀星辰煥列日月
重規以尊地靜以卑昏明迭炤或盈或虧陰陽協
氣而寒暑隨時而推移三才殊性五行異位千變
萬化度類授之以形稟之以氣色表文采聲有音
律復

天地賦

成公子安



明通議大夫都察院右副都御史大庾劉節廣

唐文選卷第七十一

明通議大夫都察院右副都御史大庾劉節廣

銘上

沛泗水亭銘

班孟堅

皇皇聖漢非自沛豐乾降著符精感赤龍承旆流裔襲
 唐末風寸天尺土無埃斯亭建號軍基維以沛公揚威
 斬蛇金精摧傷涉關陵郊係獲秦王應門造勢斗壁納
 忠天期乘祚受爵漢中勒陳東征劔擒三秦靈威神佑
 鴻溝是乘漢軍改歌楚衆易心誅項討羽誥夏以康陳
 張畫策蕭勃翼終出爵褒賢列十封功炎火之德彌光
 以明源清流潔本盛末榮叙將十八替迹股肱休勳顯
 祚未末無疆國寧家安我君是升根生葉茂舊邑是仍



於皇舊亭苗嗣是承天之福祐萬年是與

十八侯銘

班子孟堅

鄼侯蕭河

眈眈相國弘策不追御國維綱秉統樞機文昌四友漢有蕭何序功第一受封于鄼

將軍舞陽侯樊噲

龍龍將軍威蓋不當操盾干鈞拔主項堂漢興破楚矯矯忠良卒為丞相帝室以康

將軍留侯張良

赫赫將軍受兵黃石規圖勝負不出帷幄命惠瞻仰安金正朔國師是封光營舊宅

太尉絳侯周勃

欽欽太尉悼原朴誠輔翼受命應節御營歷位卿相國兼并見危致命社稷以寧

將軍平陽侯曹參

蹇蹇相國允忠克誠臨危處險安而匡傾興伐之際濟主立名身履國土秉御乾楨

丞相戶牖侯陳平

洋洋丞相勢譎師旅擾攘楚魏為漢謀主六奇解厄揚名于後

南宮侯張敖

堂堂張敖耳之遺萌以誠佐國序跡建忠功成德立襲封南宮垂號萬春未保無疆

衛尉曲陽侯酈商

衍衍衛尉德行循規遭兄食其隕歿於齊橫耻愧景列
頸自獻金紫褒表萬世不刊

將軍潁陽侯灌嬰

煌煌將軍輔漢久長威震呂氏姦惡不揚寇攘殄盡躬
迎代王功顯帝室萬世益章

將軍汝陰侯夏侯嬰

斌斌將軍鷹武是揚內康王室外鎮四方諸夏又安流
及要荒聲騁海內苗嗣紀功

將軍陽陵侯傅寬

休休將軍如虎如羆御師勒陳破敵以威靈金曜楚火
流烏飛將命仗節功績永垂

將軍信武侯靳歙

斤斤將軍忠信孔雅出身六師十二四旅折衝扞難遂
寧天下金龜章德建號傳後

丞相安國侯王陵

明明丞相天賦庭直剛德正行不枉不曲功業成著榮
顯食邑距呂奉主昭然不惑

將軍襄平侯韓信

桓桓將軍輔主克征奉使全壁身出項營序功差德履
讓以平轉北而遊雲中以傾

將軍棘津侯陳武

巖巖將軍帶武佩威御雄乘險難困不違仇滅主定四
海是楨功成食土德被遐邇

曲成侯蠱達



晏晏曲成輿從龍騰安厄從主赤曜以升赫赫皇皇道
彌光明惟德御國流及後萌

御史大夫汾陰侯周昌

蕭蕭御史以武以文相趙距呂志安君身徵詣行所如
意不全天秩邑土勛乃水存

將軍青陽侯王吸

邑邑將軍育養丞徒建謀正直行不匿邪入軍討敵頂
定天都佩雀雙印百里為家

西嶽華山堂闕銘

張昶

易曰天地定位山澤通氣然山莫尊於嶽澤莫盛於瀆
山嶽有五而華處其一瀆有四而河在其數其靈也至
矣聖人廢興必有其應故岱山石立中宗繼統太華授
布伍方則處其四列三條則居其中若廣袤奇蟲山經
有紀矣是以帝王巡狩親五嶽而告至覲方后而考禮
故經有望秩之禋典有生殖之祀蓋所以崇山川而報
功也四海一統天子秉其禮諸侯力政疆國攝其祭奉
其邑曰華陰也久矣乃紀於禹貢而分秦晉之境秦鄙
晉之西則曰陰晉邊秦之東則曰寧秦邑既遷徒禮亦
如之二國力爭以奉以祭其城險固基趾猶存故老之
言未殞於民也逮至太漢受命克亂不愆不忘舊名是
復率禮不越故祀是尊歷葉增修處恭又備一禱三祀
終歲而四以迄于今而世宗又經集靈之宮於其下想
喬松之疇是遊是憇郡國方土自遠而至者充巖塞厓



鄉邑巫覡宗祀乎其中者盈谷溢谿咸有浮飄之志愉
悅之色必雲霄之路可升而越果繁昌之福可降而致
也故殖財之寶黃王甫出於德之珍卿相是毓匪惟嵩
高降生申甫此亦有焉夫有所興必先廢之故殷宗周
宣以衰致盛是時也正業中缺大化陵遲郡縣既毀財
匱禮乏庭朝傾壤壇場蕪穢祭祀之禮有缺焉於是鎮
遠將軍領北地太守閩卿亭侯段君諱煨字忠明自武
威古此土憑託河華二靈是與故能以昭烈之德享上
將之尊御命持重屯斯寄國討叛柔服威懷是示群兇
既除郡縣集寧家給人足戶有樂生之歡朝釋西顧之
慮而懷關中之恃雖昔蕭相輔佐之功功冠群后弗以
加也遂解甲休士陣而不戰以逸其力修飾享廟壇場
之位荒而後辟禮廢而復興又造祠堂表以參闕

孟津銘

李伯仁

洋洋河水赴宗于海經自中州龍國所在黃函白神赤
符以信黃在周武集會孟津魚入王舟乃往克殷大漢
承緒懷附遐鄰邦事來濟各貢厥珍

洛銘

李伯仁

洛其熊耳東流會集夏禹導疏經于洛邑玄龜赤字漢

符是立帝都通路建國南鄉萬乘終齊造丹為梁三都
五州貢篚萬方廣視遠聽審任賢良元首昭明庶類是
康

函谷關銘

李伯仁

函谷險要襟帶喉咽尹從李老留作二篇孟嘗離秦奔
驚東征夜造稽疑譎以雞鳴范睢將入自盛以囊元鼎
革移錯之新安舍彼西阻東即高原長壙重關閑固不
踰簡易易從與乾合符

太平山銘

孫興公

嵬峩太平峻踰華霍秀嶺樊縕奇峯挺崿上干翠霞下
籠丹壑有士冥遊默往奇託肅形枯林映心幽漠亦既

自夏內固乞還山權憇汝南縣境固非息心之地聖主

纘歷復蒙繫維永泰元年方遂初願遂遠出天台定居

茲嶺所憇之山實惟桐栢實靈聖之下都五縣之餘地

仰出星河上參倒景高崖萬背邃澗千迴因高建壇憑

巖考室飭降神之宇置朝禮之地桐栢所在厥號金庭

事曷靈圖因以名館聖上曲降幽情留信彌密置道士

十人用祈嘉祉越以不才首膺斯任永棄人羣竄景窮

麓結懇志於玄都望霄容於雲路仰宣國靈介茲景福

延吉祥於清廟納萬壽於神躬又願道無不懷澤無不

至幽荒屈膝戎貊稽顙息鼓輟烽守在海外因此自勉

兼遂微誠日夕勤邨自強不已翹心屬念晚卧晨興食

正陽於停午念孔神於中夜將三芝而延佇飛九丹而

宴息乘鳧輕舉留寫忘歸以茲丹穀表之玄極無曰在
 上日鑿非遠銘石靈館以旌厥心其辭曰道無不在若
 存若亡於惟上學理妙群方用之日損言則非常儵焉
 靈化羽變霓裳九重堯光三山璀璨日為車馬芝成宮
 觀虹旂拂月龍輶漸漢萬春方華千齡始旦伊余菲薄
 竊慕隱淪尋師講道結友問津東採震澤西游漢濱依
 係靈眷髣髴幽人帝明紹歷惟皇纂位屬心剪胡脫屣
 神器降命凡底仰祈靈祕瞻彼高山興言覆篲啓基桐
 栢厥號金庭喬峯迥峭肇漢分星臨雲置壇駕岳開櫺
 澗塗蹇奎林祈葱青誰謂應遠神道微密慶集宮闈祥
 流宰畢其久如地其恒如日壽同南山與天無卒吏生
 變練外示無功少君飛轉密與神通因資假力輕舉騰



空庶馮心嘉誘未濟微躬

廣文選卷第七十一

江都葛澗校



廣文選卷七十一

八